



Polisi Codi Tâl Ysgol Y Berllan Deg

Adolygwyd Rhagfyr 2il 2021

Pwrrpas y Polisi

Pwrrpas y polisi hwn yw i egluro pa daliadau y gellir ac na ellir eu gwneud ar gyfer gweithgareddau yn Ysgol Y Berllan Deg. Mae'r polisi wedi ei lunio yn unol ag Adrannau 449-462 Deddf Addysg 1996 sydd yn gosod y ddeddf ar gyfer taliadau ar gyfer gweithgareddau mewn ysgolion a gynhelir gan awdurdodau lleol.

Amgylchiadau ble ni chodir tâl

Ni chodir tâl am:-

- Addysg yn yr ysgol sydd yn cynnwys:-
 - Addysg a ddarperir yn gyfangwbl neu yn bennaf yn ystod oriau ysgol;
 - Mynediad i'r ysgol ar gyfer disgyblion o oed ysgol gorfodol
 - Cyflenwi unrhyw ddeunyddiau, llyfrau neu offer eraill
- Drafnidiaeth sydd yn cynnwys:
 - Cludo disgyblion cofrestredig i neu o safle'r ysgol, ble mae gan yr awdurdod lleol ymrwymiad statudol i ddarparu trafnidiaeth;
 - Angen ble maent wedi eu paratoi yn yr ysgol ar gyfer yr arholiad;
 - Cyswllt gydag ymweliad addysgol sydd yn rhan o'r Cwricwlwm Cenedlaethol;
- Ymweliadau preswyl yn cynnwys:
 - Addysg a ddarperir ar unrhyw ymweliad sydd yn digwydd yn ystod oriau ysgol;
 - Addysg a ddarperir ar unrhyw ymweliad sydd yn digwydd tu allan i oriau ysgol os yn rhan o'r Cwricwlwm Cenedlaethol, neu yn rhan o faes llafur arholiad cyhoeddus y mae'r disgybl yn cael ei baratoi ar ei gyfer yn yr ysgol neu fel rhan o addysg grefyddol;
 - Darparu athrawon llanw i gymryd lle athrawon sydd yn absennol o'r ysgol i fynd gyda disgyblion ar daith preswyl;
- Gwersi cerdd gan gynnwys:-
 - Ble mae'r disgyblion yn dysgu sut i chwarae offerynnau cerdd fel rhan o'r Cwricwlwm Cenedlaethol neu fel rhan o ragen waith ar gyfer arholiad cyhoeddus y mae'r disgybl yn cael ei baratoi ar ei gyfer yn yr ysgol neu fel rhan o addysg grefyddol; neu
 - Cost sydd yn gysylltiedig gyda pharatoi disgybl ar gyfer arholiad.

Amgylchiadau ble codir tâl

Fe ellir gofyn am dâl gan rieni disgyblion sydd yn ymgymryd â gweithgareddau eraill a adnabyddir fel 'ychwanegiadau dewisol'. Pan fydd rhain yn cael eu cynnig gellir gofyn am dâl ar gyfer darparu deunyddiau, llyfrau, offerynnau, neu ddeunyddiau fel a ganlyn:-

- Addysg, gan gynnwys:-
 - Gweithgareddau sydd yn digwydd yn bennaf neu yn gyfangwbl tu allan i oriau ysgol os nad ydynt yn rhan o'r Cwricwlwm Cenedlaethol, ddim yn rhan o faes llafur arholiad cyhoeddus y mae'r disgybl yn cael ei baratoi ar ei gyfer yn yr ysgol nac yn rhan o addysg grefyddol;
 - Deunyddiau a ddefnyddir mewn pynciau ymarferol ac aseiniadau prosiect cyn belled â bod y rhieni wedi cytuno o flaen llaw eu bod eisiau i'r disgybl gadw y gwrthrych gorffenendig e.e. *cynhwysion neu ddeunyddiau*.

- Gwersi offerynnol sydd yn cael eu darparu ar gyfer disgyblion unigol neu i grŵp bychan o ddisgyblion os nad yw'r ddarpariaeth yn rhan o'r Cwricwlwm Cenedlaethol neu os yw maes llafur arholiad cyhoeddus yn cael ei ddilyn gan y disgybl.
- Trafnidiaeth, os yw yn angenrheidiol cludo'r disgybl i ysgol neu i leoliadau eraill ble mae'r corff llywodraethol wedi trefnu i'r disgybl gael ei addysg.
- Costau bwyd ac aros ar gyfer ymweliadau preswyl, hyd yn oed pan yn digwydd yn bennaf yn ystod oriau arferol yr ysgol;

Cyfraniadau Gwirfoddol

Er na all ysgolion godi tâl am weithgareddau yn ystod amser ysgol fe ellir gofyn am gyfraniadau gwirfoddol gan rieni ar gyfer gweithgareddau sydd yn ychwanegu at gwricwlwm arferol yr ysgol. Er hyn, dylir nodi:-

- nid oes unrhyw ymrwymiad cyfreithiol i wneud cyfraniad gwirfoddol
- ni fydd disgyblion yn cael eu heithrio o'r weithgaredd oherwydd nad yw'r rhieni yn gallu talu neu yn gwrthod talu;
- fe all y weithgaredd gael ei hatal os na fydd digon o gyfraniadau wedi dod i law i dalu am y weithgaredd;
- ni fydd cyfraniadau gwirfoddol ar ran disgyblion yn talu am ddisgyblion eraill nad ydynt yn talu am y weithgaredd;
- y gall y corff llywodraethol dalu cost gweithgaredd, yn rhannol neu yn llawn, ar gyfer rhieni mewn amgylchiadau arbennig..

Gwybodaeth Ychwanegol

Fe ellir gofyn i rieni ddarparu offer personol i gael ei ddefnyddio gan eu plentyn yn unig. Fe all rhain gynnwys gwisg arbennig, offer addysg gorfforol, cyfrifiannellau, piniau ysgrifennu, ffedogau a.y.y.b..

Niwed I Offer

Pan fo ymddygiad disgybl yn arwain at niwed i eiddo'r ysgol fel ellir gofyn i'r rhieni i dalu am ei drwsio neu i gael eiddo yn ei le. Bydd pob digwyddiad yn cael ei drin yn unigol ac ar ddisgresiwn yr ysgol.

Arwyddwyd / Signed _____ (Headteacher)

Arwyddwyd / Signed _____ (Chair of Governors)

Dyddiad / Date _____